

PERLEMBAGAAN NEGERI BRUNEI, 1959

Perintah Chukai Impot Kastam, 1973

(Perintah di-bawah Bab 33 (3))

Pada menjalankan kuat-kuasa yang di-berikan kepada-nya oleh cheraian (3) dari Bab 83 daripada Perlembagaan Negeri Brunei, 1959, Duli Yang Maha Mulia Sultan ada-lah dengan ini membuat Perintah yang berikut :—

1. Perintah ini boleh-lah di-gelar sebagai Perintah Chukai Impot Kastam, 1973 dan akan mula kuat-kuasa-nya pada 15 haribulan Januari, 1973.

2. (1) Dalam Perintah ini —

“gelen” berma’ana gelen imperial;

“perusahaan” berhubong dengan satu2 barang berma’ana bahawa barang itu telah di-tunjokkan dengan memuaskan hati Pengawal telah di-buat untok di-gunakan hanya dan khusus-nya sebagai alat2 perusahaan, perkakas atau mesin atau bagian2 yang khas bagi-nya;

“proof spirit” berma’ana spirit yang berat-nya 12/13 dalam suhu 10.55% centigrade, dari jumlah ayer yang di-kukus pada suhu yang sama;

“%” berma’ana peratus daripada harga.

(2) Jika barang2 di-perjeniskan dalam Jadual Pertama menurut kegunaan-nya, sama ada dengan chara keterangan am tentang kegunaan-nya atau dengan rujokan kepada kegunaan yang akan di-gunakan pada mengimpot atau mengeluarkan daripada Kastam, syarat2 kegunaan tersebut tidak akan di-anggap sebagai telah di-penohi melainkan pada masa mengimpot atau mengeluarkan daripada Kastam tujuan kegunaan terus yang di-maksudkan telah di-boktikan dengan memuaskan hati Pengawal.

Gelaran pendek dan permulaan.

Tafsiran.

- (3) Jika dalam mana2 tajok dari Jadual Pertama bahagian barang2 ada-lah di-perjeniskan dengan barang2 itu, sebutan mana2 barang dalam tajok-kecil daripada tajok itu akan di-anggap termasuk sebutan bahagian2 daripada barang2 tersebut, kechuali setakat mana maksud yang bertentangan itu terlihat dari perkataan dalam tajok-kecil itu.

Chukai Impot. 3. Maka akan di-kenakan:

- (1) terhadap barang2 yang di-tentukan dalam Jadual Pertama yang berasal dari negeri selain dari negeri anggota Commonwealth dan yang akan di-impot ka-Brunei, chukai2 impot mengikut kadar yang di-tentukan dalam ruangan ka-empat daripada Jadual itu; dan
- (2) terhadap barang2 yang di-tentukan dalam Jadual Pertama yang berasal daripada negeri anggota Commonwealth dan di-impot ka-Brunei, chukai2 impot mengikut kadar2 yang di-tentukan dalam ruang ketiga dalam Jadual itu.

Undang2 No.
5 tahun 1954.

Mana2 chukai tersebut hendak-lah di-kenakan, di-pungut dan di-bayar menurut undang2 Kastam.

- (3) Dengan tidak menghiraukan perenggan2 kecil (1) dan (2) dari perenggan ini, jika jumlah chukai impot yang di-kira mengenai satu2 dokumen Kastam —
 - (a) ada-lah kurang daripada satu ringgit; tidak ada chukai impot akan di-kenakan;
 - (b) lebeh dari satu ringgit tetapi kurang daripada lima puluh ringgit dan termasuk pechahan daripada satu ringgit, pechahan-nya tidak akan di-kira;
 - (c) lebeh dari lima puluh ringgit dan termasuk pechahan dari satu ringgit, pechahan itu akan di-kira sebagai satu ringgit yang genap.

Pengechualian.

(4) Dengan tidak menghiraukan perenggan² kechil (1) dan (2) dari perenggan ini —

(a) tidak ada chukai impot akan di-kenakan ka-atas barang² yang di-sinaraikan dalam Bahagian A dari Jadual Kedua, apabila di-impot atau di-beli sabelum di-keuarkan dari Kastam, bagi kegunaan orang² yang di-sebutkan dalam Bahagian tersebut menurut mana² sharat yang di-kenakan kapada-nya saperti yang di-sebutkan dalam Bahagian itu; dan

(b) tidak ada chukai impot akan di-kenakan ka-atas barang² yang di-sinaraikan dalam Bahagian B dari Jadual Kedua apabila di-impot menurut mana² sharat yang di-kenakan kapada-nya saperti yang di-sebutkan dalam Bahagian itu.

Kuasa Pegawai Kewangan Negara untok mengembalikan chukai impot.

(5) Pegawai Kewangan Negara boleh mengembalikan keseluruh atau sebahagian daripada chukai impot yang telah di-bayar oleh mana² orang ka-atas mana² barang yang telah di-impot, jika ia berpuas hati bahawa ada-lah bagi kepentingan awam untok berbuat demikian dan mana² pengembalian wang tersebut boleh di-kenakan kapada perkara² yang khusus yang di-tentukan atau am-nya bagi orang² yang tertentu atau orang² dari dalam kelas yang di-tentukan.

Pengertian tempat asal.

(6) Bagi maksud melaksanakan kadar² chukai keutamaan yang di-sebutkan dalam Jadual Pertama kapada Perentah ini barang² yang berikut akan di-sifatkan sebagai yang berasal daripada negeri anggota Commonwealth, dengan sharat barang² itu telah di-angkat terus ka-Brunei dari negeri anggota Commonwealth dan di-boktikan dengan memuaskan hati Pengawal sebagai :

(a) barang² yang keselurohan-nya di-dapati dalam negeri anggota Commonwealth saperti yang di-sebutkan dalam Tambahan A kapada Perentah ini;

(b) barang2 yang di-dapati dari negeri anggota Commonwealth yang mana dalam pengusahaan-nya barang2 daripada negeri yang bukan ahli Commonwealth ada di-gunakan, dengan syarat barang2 tersebut telah menjalani pekerjaan atau proses setakat yang di-tentukan dalam Tambahan B kepada Prentah ini.

Kuasa Pengawal untuk membayar balek chukai impot bagi pembelian sa-tempat oleh orang2 yang di-jadualkan.

4. (1) Pengawal boleh membuat pembayaran balek mana2 chukai impot yang telah di-bayar terhadap mana2 barang yang telah di-beli sa-tempat untuk makanan persendirian atau kegunaan oleh orang2 yang di-sebutkan dalam Jadual Ketiga, tertalok kepada syarat2 sademikian yang ia boleh menentukan.
 - (2) Tidak ada pembayaran balek chukai impot akan di-buat di-bawah perenggan kechil (1) dari perenggan ini melainkan satu tuntutan telah di-buat dalam tempoh dua belas bulan dari tarikh pembayaran chukai impot itu.
 - (3) Tidak ada pembayaran balek chukai impot akan di-berikan di-bawah undang2 Kastam jika jumlah pembayaran balek yang di-tuntut terhadap mana2 perkara ada-lah kurang daripada satu ringgit.
 - (4) Sultan dalam Majlis Mashuarat boleh, dengan perentah yang di-siarkan dalam *Warta Kerajaan*, meminda Jadual Ketiga.
5. Perentah2 yang berikut ada-lah dengan ini di-batalkan:—
- Perentah Chukai Kastam (Impot dan Eks-pot), 1955 G.N.S. 71/55
- Perentah Chukai Kastam (Pengechualian), 1956 No. S. 30/56
- Peratoran 3 dari Peratoran2 Kastam, 1955 No. S. 11/55
- Di-perbuat pada hari ini 10hb Januari, 1973.

DULI YANG MAHA MULIA
PADUKA SERI BAGINDA SULTAN
DAN YANG DI-PERTUAN